



شخت جلیلم اسلامیک جریدہ رسمیه پیدر

رجب الفرد ۱۳۳۴ [*]

عدو: ۶۵

آیدہ بر نشر اول نور

اوپر خفی سنہ

ماده : ۲ اشبو قانون تاريخ نشرندن اعتباراً مرعى وحكمى ۲۱ تموز ۱۳۳۰ تاريخنده اعلان ايديلن سفر برك مدتجه جاريدر .

ماده : ۳ اشبو قانونك اجراسنه عدليه ناظرى مأموردر .
مجلس عمومينك اجتماعنده قانونيتى تكليف اولمق اوزره اشبو لايحه قانونيه نك موقناً موقع مرعيتيه وضعى وتوانين دولته علاوه سنى اراده ايلدم .

۸ شوال ۱۳۳۴ ۲۵ تموز ۱۳۳۲

محمد رشاد

عدليه ناظر وكيلى
خليل
صدراعظم
محمد سعيد



قواخانه عالی مقررات نقضیه سی

دورک قضاسى محكمه شرعيه سندن اعطا اولان ۱۲ جادى الاولى سنه ۱۳۳۴ تاريخلى اعلامك اسباب نقضيه سی :

اعلام مذ كورده مدعى عليها وكيلى مزبورك تصدى ايلديكى استنكاح دفعى حقنده طالب تحليف اولمدينى ويا بالطلب مدعى مزبورك تحليفى اجرا ايدلديكى غير ميين اولمقله برابر موكله مزبوره نك تاريخ اسبق ايله مرقوم طاهر ك منكو حهسى اولديغنه متدائر وكيلى مزبورك افاده واقعه سنى مرقوم طاهر بالتصديق اولوجهله سبق نكاح مدعاسنده بولندينى تصريح ايدلديكندن افاده مبحوته شخص آخره اضافه واسناد عقددن عبارت قالدنيى واستطلاقك كيفيتى وكيملك طرفندن واقع اولدينى تعيين وتوضيح اولندينى جهتله اولبابده بينه استماعنه تصدى ايدلسنك وجهى غير منقهم و مرقوم طاهر سبق نكاح ادعاسنده بولنه رق استطلاق دخی بوندن طولاني مرقومه قارشو درميان ايدلمش ايسه مرقوم عبدالرحمانك مرقوم طاهر ك حضوريه طالب طلاق اولديغندن عبارت اولان شهادت مذ كوره مرقوم طاهر ك استطلاق حقنده مدار اتخاذه غير صالح بولنش ومدعى مرقومك نكاحى مثبت اولسنه نظراً مرقوم طاهر ايله مزبوره نك بينلرى بالتفريق حكايه اولسان معاشرت غير مشروعه نك دوامنه اول امرده حيولت ايدملك ايجابات عاليه شرعيه دن

بولنديني حالده بونقطه مهمه ومعتنابها دخي نظر دقته آلماناش وكمافي السابق مهرمعجلك تأديه ومسكنك تهيه سسه تعليقاً حكم توقعنه تصدى ايدلمش اولديغندن سبكي نقصان وخللدن وحتوياتي تشويش واعوجاجدن خالي دكلدر .

★ ★

سلط قضاسي محكمه شرعيه سندن اعطا اولنان ۵ جمادى الاخرى سنه ۱۳۳۴ تاريخلى اعلامك اسباب نقضى :

اعلام مذ كورده حيوانات مذ كوره نك اوصافى طرف دعواده غير ميين اولديني كي مذ كور كرسته وشعيرك حيوانات مذ كوره يه علف اوله رق ويرلسى ورته نك امر واذنلرينه مستند اولديني كوسترلديكندن مدعى عليه مرقومك اولبايده متبرع اولسى وبنابرین حبوبات مذ كورده دن مدعيه نك حصه سنى تضمين ايجاب ايدر ايكن بو جهت دخي نظر دقته آلماناش و مرقومك حين تحليفنده درت كيل شعير متباقى قالديغنى بيان ايتمسنه نظراً طرف جوابده كي اون بش كيل شعير افاده سى سهولى وتحت حكمه آلنان يكرمى صاعك نهدن عبارت بولنديني غير منفيهم بولنش اولغله سبكي نقصان وخللدن خالى ومفادى اعوجاجدن سالم دكلدر .

★ ★

كوردوس قضاسي محكمه شرعيه سندن اعطا اولنان ۶ جمادى الاخره سنه ۱۳۳۴ تاريخلى اعلامك اسباب نقضى :

مهرى مطابق ايسه ده كاتب عدللكدن مصدق اولديني حكايه ايديلوب اوراق مياننده ملفوف بولنان سندن فقرة تصديقيه سى شاهدلك افاداتى تصديقدن عبارت ومتوفاي مزبورك مضمون سندی تقرير ايدرك تختم ايلديكنى غير مفيد اولديني جهته بو مرتبه ايله سند مذ كورك بلاينه مضمونيله عمل ايدلمسك وجهى غير ظاهري بولنش وشهادت مذ كوره دخي مرتبه كفابده بولنماش وشكل يمينده « بر وجهله » لفظى ذكر ايدلماش اولديغندن نقصان وخللدن غير خاليدر .

★ ★

بروسه ولايتي مركز محكمه شرعيه سندن اعطا اولنان ۷ جمادى الاخره سنه ۱۳۳۴ تاريخلى اعلامك اسباب نقضيه سى :

۱ — مدعى « متوفانك حال حياتنده باسند خاقانى متصرف اولديني محدود صرف

ملك برباب خانہ ديهرك تصرفى يعنى ملكيتى متوفايه اسنادندن صكره نفي ملك ادعاسنده بولمىش اولديغندن مجله نك ۱۵۹۱ ماده سنده مسطور اولديغى اوزره معاملہ مذكوره هبه اولوب تسليم لازم كلوركى بو جهتلره دقت اولنميه رق حكم ويرلمشدر .

۲ — مدعى مذكوره خانه ده كى اشياء منقوله يى دخى متوفانك نفي ملك ايتىش اولمىش سبب اتخاذا ايدىهرك دعوى ايتىش اولوب حالوكه مجله نك ۱۶۲۸ ماده سى حكمنجه بو دعوى صحيح دكلدر .

۳ — اقرار دعواسنك استماعى قرينه قويه نك وجودينه وابسته ايكن بوجهت دخى نظر اعتنايه آلتامشدر .



باليكسر سنجاغى محكمه شرعيه سندن اعطا اولنان ۲۸ جمادى الاخره سنه ۱۳۳۴ تاريخلى اعلامك اسباب تقضيه سى :

اعلام مذكوره محكى وحكمى تنفيذ ايديلان اعلام غيابيده كى شهادت دعوايه غير موافق اولديغى حالده اشياء مدعا بها حقنده مدار اتخاذه تصدى ايدلمش اولديغى كى زوجنه نك نفقه سى زوجى غائب و معسر اولسه دخى منحصرأ زوجنه و اولاد صغارك نفقه لرى دخى ماللى اولديغى صورتده حصراً بابالرينه عائد اوله جنى و مدعيه مزبورنه نك قاش پدرى مدعى عليه مزبور مزبورنه نك اصلاً منفق شرعىسى اوله ميه جنى نظر دقتہ آله رق حادثه ده فرض و تقديرى طلب ايديلان نفقه نك زوجيت و نسبك بالينه المعده ثبوتند نصكره اب و زوج غائب مزبور اوزرينه بالتقدير غائب مزبور رجوع شرطيله صغير مزبور ايچون مقدر نفقه نك ادانه و اقراضه مدعى عليه جد مزبورك و مدعيه مزبورنه ايچون مقدر نفقه نك اقراضه دخى مزبورنه ذات الزوج اولديغى صورتده نفقه سى شرعاً اوزرينه واجب اوله جق كيمسنة نك اجبار اولنملرى و نفقه صغاره يالكز من عليه النفقه نك حالى و نفقه زوجاتده طرفينك حاللى نظر اعتباره آلمسى و زوجة مزبورنه نك بر نهج شرعى تحليفى مقتضى ايكن جهات مذكوره يه اعتنا اولنمىسزين وجه محرر اوزره نفقه تقديرى مغاير اصول بولمىش و مزبورنه نك آخردن استدانه ايدىه جكى مبلغه حصراً زوجى غائب مزبورنه حق رجوعى اولديغى حالده مبالغ مستدانه ايله جد مزبور اوزرينه رجوعه اذن اعطاسى دخى غير موجه و مصارف محاكمه حقنده طلب غير مفهم اولديغندن

اعلام غیابی* مبحث سبکی مختل و تنفیذدن عبارت اولان اشبو اعلام دخی بالطبع حکمدن ساقطدر .

★ ★

جتالجه سنجائی محکمه شرعیه سندن اعطا اولنان غره رمضان سنه ۱۳۳۴ تاریخلی اعلامک سبب نقضی :

مهری مطابق ایسه ده لیه* مذکورده افق غریبنک مغیم وعلتلی بولندیغی کوسترلمدیکندن بوجهتک بالاستیضاح بر نهج شرعی اکمالی مقتضی ایدوکی .

★ ★

اردک قضاسی محکمه شرعیه سندن اعطا اولنان ۲۶ جادی الاخره سنه ۱۳۳۴ تاریخلی اعلامک اسباب نقضی :

اعلام مذکورده کی دعوی وشهادته نظراً مدعابه زیتونلر مزبورده نک اذنیله متوفای مرقومک زیتونلرینی حاوی اولان فوچییه وضع ایدیله رک اولوجهله مزبورده نک فوجیده کی زیتونلره اشتراکی منقهم وشو حالده مجله نک ۱۷۴۶ ماده سنک فقره ثانیه سنده شکل وصورتی محرر اولدیغی وجهله یمین استظهارک اجراسی مقتضی اولدیغی حالده بوجهته مراعات ایدلماش اولدیغندن سبکی نقصان وخللدن خالی دکلدر .

★ ★

چهارشنبه قضاسی محکمه شرعیه سندن اعطا اولنان ۲۴ ربیع الاخر سنه ۱۳۳۴ تاریخلی جتک اسباب نقضی :

حجت مذکورده نفقه مذکورده نک حین تقدیرنده زوجیت ونسب حقنده بینة معده استماع ایدلایکنه تعرض اولندیغی ویمینک شکلی نقصان براقلدیغی کی نفقه زوجاتده طرفینک حاللری و اولاد نفقه لرنده دخی آنجق من علیه النفقه نک حالی نظره آلنه رق اولوجهله بالاخبار قدر معروف مبلغ تقدیر اولنق ایجاب ایدر ایکن بوجهته مراعات اولندیغی غیر منقهم وصورت اشعاره نظراً تربیه نسواندن مستغنی وحضانه دن ساقط اولملری لازم کلان مزبوران خالد وکاملک نفقه لرینک بالحضانه طلبنه مزبورده نک صفت شرعیه سی مفقود وخصوصتک رأی ایدلایکی دخی غیرمیین بولندیغی جهته مغایر اصول بولنان تقدیر سابق مبحثک بوجه محرر تصدیق وادامه سی غیر موجه بولنش ومهر

معجلنی بعدالایفا زوجہ سی مزبورہ بی مادون السفر مسافہ دہ بولنان قریہ سنہ معترض.
مرقومك حق نقلی بولندینی دخی نظر دقہ آلمانش اولدیغندن سبکی مختلدر .

★
★ ★

— قوله قضای محکمہ شرعیہ سندن اعطا اولنان ۲۸ ذی الحجہ سنہ ۳۳۳ تاریخلی اعلامك
اسباب نقضی :

اعلام مذکورده مبالغ مذکورده دن ایکی بشی برلك آلتونلر مزبورہ یه طاقلمق
ومتبایسی دخی خرج و صرف ایدلك اوزره مدعی علیه مرقومك مقبوضی اولدیغنی
طرفین متداعین افاده ایدرك مبالغ مذکورہ حقندہ مدعی علیه مرقومك یدی ید امانت
اولدیغنی روش اشعاردن مستفاد اولسنہ نظراً حادثہ ده رد وضمانك عدم لزومی امرندہ
مرقومك مع الیمین قولیلہ تصدیقی مقتضی بولمشیکن بروجه محرر طلب ایدیلاں بینہ
واجرا قلنان یمین معکوس وغیر مستقیم اولغلہ سبکی مختل اولغین بو صورتده مدعی علیه
مرقومك یدی اولوجهلہ ید امانت اولدیغنی بر نہج شرعی تین ایتدیکی حالده رد وضمانك
عدم لزومہ دائر مرقومك بالطلب تحلیفیلہ مدعی مزبورك منع معارضہ سنہ حکم توقیعی
ومبالغ مذکورہ بی مزبورہ جنتدن دعوادہ مختار بولندیغنك مدعی یه تہیمی ضمتندہ
محله اعادہ قلندی .



مجلس تدقیقات شرعیہ مقرراتی

اسکدار محکمہ سندن ۵ جمادی الاولی سنہ ۱۳۳۲ تاریخیلہ اعطا اولنان اعلام حقندہ

مذکور اعلام و علی صلاح الدین امضا ومهرلی لایحہ اعتراضیہ مطالعہ اولندی .
اعلام مذکورك خلاصہ مآلی علی صلاح الدین بك مجلس شرعده متوفی حسین حبیب
اقدینك زوجہ سی ثاقبہ خانم مواجہہ سندہ لاب برادرلری اولوب والدہ لری مومی الہانك
نزدندہ بولنان اون ایکی یاشندہ صالح واون یاشندہ احمد عاصم وسکر یاشندہ محمد فتحی
بککر حضانہ دن ساقط وتربیہ ومحافظہ لری کندیسنہ عائد اولدیغندن بالبحث صغار موما
الہمك طرفہ تسلیمنی دعوی ایلمسی اوزرینہ جریان ایدن محاکمہ نتیجہ سندہ موما الیہ